



## **Forum Ecclesiasticum**

In Quo Jus Canonicum Universum, Librorum Ac Titulorum Ordine Per  
Quæstiones Et Responsa, Tam Canonistarum Veterum & Recentiorum,  
quàm Legistarum, in iis, quæ Utrique Juri, Canonico Et Civili Communia  
Sunt, Authoritate stabilita, Methodo clara & facili explanantur

**Leuren, Peter**

**Moguntiae, 1719**

Quæst. 2. An & qualiter Clericatus sit honor & dignitas.

---

[urn:nbn:de:hbz:466:1-73957](#)



# LIBER TERTIUS.

# DECRETALIUM.

## TITULUS I.

De Vita & Honestate Clericorum.

*Quæst. 1. Clerici nomen unde, & quid importet?*

**R**EPO. Nomine clericorum desumpto à græco vocabulo λαός quod sortem seu hæreditatem significat, intelliguntur personæ quadam, quæ ex fidelibus electæ per initiationem Ordinis alicius sacri vel minoris, aut saltæ primæ tonsuræ aliave ratione ad Dei cultum Ecclesiæque ministerium specialiter deputatae, sors, hæreditas & pars pecularis Dei sunt; vel etiam quorum à temporibus abstractorum specialiter ipse Deus sors & pars est. c. i. dist. 21. & can. clero, 5. q. 1. Et hinc contra distinctionem à cetera fidelium istiusmodi speciali electione & deputatione carentem multitudine, qui desumpto nomine à græco λαός, quod populum significat, Laici dicuntur.

*Quæst. 2. An & qualiter clericatus sit honor & dignitas?*

**R**EPO. Vel ex hoc ipso, quod Clerici specialiter in sortem Domini vocati & segregati à laicis altaris ministerio divinisque obsequiis specialiter emancipati, & hinc merito specialibus super ceteros privilegiis & prærogativis afficiantur, ut patet ex utroque Jure, dubium non est, Clericos, etiam simplices, pro laicis honorandos & reverendos esse, & digniores laicis, semperque laicos præcedere debere, ut C. de Luca. de præminent. dist. 23. num. 9. Clericatus, etiam præscindendo à Sacerdotio, honorem continere juxta illud Imperatoris in L. officiales. C. de Episc. & cler. ad clericatus honorempuaverit transeundum. Quamvis propter dictam supra statum laicalem cum honore præminentiam in sensu quodam laxiore dici possit dignitas Arg. c. denique. dist. 4. & Can. admittuntur dist. 54. Dignitatem tamen, accipiendo hoc nomen propriè &

R. P. Lehr. Jur. Can. Lib. III.

strictius pro præminentia cum administratione & jurisdictione, ut Fagn. in c. adhac de probat. n. 34. cum Archid. in c. 1. de consuetud. in 6. non importat, multoque minus hodiecum inter dignitates, quæ à patria potestate solvunt, numeratur. Struv. in ff. tit. 7. lib. 1. de adopt. & emancip. num. 67. & Muller. ad eundem ibidem lit. s.

*Quæst. 3. Qui in specie veniant nomine Clericorum?*

1. R EPO. primò: In materia favorabili nomine Clericorum, & quidem strictius usurpatò, veniunt, quotquot primâ tonsurâ initiati quacunque demum dignitate, etiam cardinalitâ & pontificali, præfulgeant. Barb. in collect. ad l. 3. decret. tit. 4. num. 6. Eò vero sumpto latius veniunt regulares & monachi, & quamcunque religionem professi, ut Equites Teutonici & Melitenes, fratres laici, quos aliqui Ordines conversos vocant, etiam si primâ tonsurâ non initiati. Felin. in c. 1. de heret. num. 6. Tusch. v. clericus concl. 377. num.

2. Sylv. v. clericus. num. 1. Unde etiam, si similes pro pensione aliqua ecclesiastica se clericos nominant, de mendacio redargui nequeunt, ut cum Lotterio observavi in foro benef. p. 1. q. 309. Item eremitæ, qui licet non professi religionem aliquam, habitum tamen de manu Episcopi eremiticum receperunt, & sub ejus obedientia vivunt, deputati pro servitio alicuius ecclesiæ vel oratorii, censentur personæ ecclesiasticae. Fagn. in c. nullus. de for. comp. num. 65. Card. in clem. per tuas. de praf. n. 6. Butrio. conf. 19. num. 19. Secus videtur de eremitis, qui neque ullam religionem professi, neque ulli ecclesiæ aut oratorio authoritate Praelati ecclesiastici deputati, ad libitum suscepserunt & defuerunt habitum eremiticum, & hinc inde vagantur. Hi enim; utpote personæ merè laicæ, nullo privilegio fori gaudentes, nomine clericorum non veniunt. Card. l. c. n. 9. Fagn. l. c. n. 63. Riccius p. 2.

A resolut.